

Q. D. B. V.
DISSERTATIONIS PHYSICO-THEOLOGICÆ,

DE
TONITRU
MAGNALIUM
DIVINORUM
PRÆCONE
PARS PRIOR,
QUAM,

Conf. Ampl. Facult. Phil. in Reg. Acad. Aboëns.,
AUCTOR
JOHANNES SELEEN
PHILOS. MAG. & V. D. M.,
RESPONDENTE
STIPEND. REG.
CAROLO BJÖRKSTRÖM
SMOLAND.,

Publicæ disquisitioni modeste subjicit,
DIE XX. DECEMBER. ANNI MDCCXLXIII.
L. H. Q. A. M. C.

A B O Æ,
Impressit JOH. CHRISTOPH. FRENCKELL.

VIRO Plurimum Reverendo atque Praeclarissimo
D.no Mag. CHRISTIANO
LIMNELL,

PASTORI Ecclesiaz, quæ Deo in Kyrckslätt colligitur,
Dignissimo,

Fautori & Nutritio, quovis honoris cultu ad
cineres prosequendo.

Quod diu desideravi, tandem sum adsecutus, nimirum occasio-
nem, venerationem debitam erga TE, Vir Plurimum
Reverende, quæ intra pectus hucusque latuit, publice declaran-
di. Doleo autem magnopere, quod illam sam vivialis coloribus,
ac in pectore inest, acpingere non valeam. Beneficia Tua in me,
inde ab illo tempore, quo illa mibi contigit fors, ut in Domum
Tuam honestissimam susiperer, magna immo paterna fuere. Quo-
sies illa recordor, recordor autem siccissime, toties quoque me il-
lis agnoscendas, ne dicam rependendas, plane imparem sentio.
Nil enim, præter venerabundam mentem, pens me debrehen-
do. Hoc tamen magna me adfecit letitia, quod satis persuasus
sum, TE nihil aliud a me expectare aut postulare, quam deo-
voram mentis piecatem. In signum itaque bujus venerabunda-
mentis, opusculum hoc, aliena licet Minerva conscriptum, TIBI
conseco, quod ut placida adspicias fronte, mibique postbac ut
huc usque faveas, humillimus oro atque obtestor. De cetero
Supremum Numen suppplex compellabo, dignetur TE, Fautor
Propensissime salvum & incolumem in longam annorum seriem
conservare, in Sui Nominis gloriam, Ecclesæ monumentum,
Tuorumque gaudium & solatium! Sic ex intimo pectore vobis
& semper vovebit,

PLURIMUM REVERENDI NOMINIS TUI,

cultor humillimus
CAROLUS BJÖRKSTRÖM.



I. N. J.

PRÆFATIO.

Scientiam Naturalem, qua justam re-
rum materialium considerationem, in-
deque ortam veram & solidam earum
cognitionem intelligimus, duplice in
primis modo, si ad plicationem ejus ad usus
& fines respicias, tractari posse immo & opporte-
re, satis est manifestum. Quod si enim Mundum
hunc adspectabilem rite consideraverimus, sine du-
bio mox deprehendemus, illum duplicem in gene-
re usum nobis praestare; nim. quod Auctorem sui
nostrique cum summis ejus perfectionibus, co-
gnoscendum & venerandum exhibeat: *Est enim mun-
dus hic, teste BASILIO, velut liber quidam inscriptus,*
*qui interpretatur gloriam DEI, dum occultam & invi-
sibilem ejus Majestatem per se ipsum divulga-*;^(a) *dein-
de vero, quod res in illo occurrentes, in primis rite
cognitæ & applicatæ, variis nostris necessitatibus*

A

&

& commodis, in vita communi, optime inserviant, ut præclare CICERO, ex mente Stoicorum, contendit: *Omnia quæ in terris gignuntur, ad usum hominum creari* (θ). Atque sic quidem utroque respectu, veram nostram felicitatem promovere res Naturales, intelligitur. Neque vero dubium est, Auctorem hujus universi, ceu in se perfectissimum simulque sapientissimum, usus memoratos tanquam certos & præfixos fines, in isto producendo intendisse, hodie que in illo conservando intendere. Bene enim

PHIL. MELANCHTHON: *Tota natura rerum, velut theatrum est humani ingenii, quod DEUS vult adspici.* Et paucis interjectis: *Ideo DEUS has flammæ indidit menti hominum, incitantes ad inquisitionem Naturæ, ut hac doctrina primum sit iter ad agnitionem DEI, deinde vero ut monstret vitæ præsidia* (γ). Jam vero, quum nos ceu entia ratione prædicta, & simul omni ex parte ab illo dependentia, nihil magis quam hisce finibus ejus convenienter agere, eosque, quantum fieri possit, promovere obstricti simus, sequitur, ut etiam duplici hoc respectu res Naturales considerare debeamus. Hinc etiam egregie **SENECA:** *Equidem tunc naturæ rerum gratias ago, cum illam non ab hac parte video, quæ publica est, sed cum secretiora ejus intravi; cum disco, quæ universi materia sit, quis auctor & custos, quid sit Deus; nihil ad hac admitterer: non fuerat operæ pretium nasci* (δ). Hoc autem, quod diximus, optime tum peragetur, cum res Naturales vel ita tractamus, ut naturam & constitutionem earum, motus item & leges ipsius

◎) 3 (◎

psius, & denique ipsos effectus earum, quantum fieri possit, exquiramus, atque sic, hisce perspectis, ad necessitates & usus nostros in vita communis eas applicemus; Vel etiam ita, ut vel totum hoc universum, vel particularia in illo occurrentia corpora, vel denique singularia quædam phænomena mentis aciei subjiciamus, & quicquid in illis speciosi, pulchri & admirandi, respectu ortus, constitutionis, motus, effectuum & usus observaverimus, ad existentiam Summi Auctoris demonstrandam, gloriam ejus illustrandam, & verum ejus cultum promovendum, adhibeamus & convertamus. Ostendit hoc haud parum concinne Cel. WEIGELIUS ita differens: *Quoniam res naturales homini, præter contemplationem, & hic primo radicatam Divini Numinis celebrationem, etiam in usum concessæ sunt: igitur postquam ea qua fieri potuit sedulitate, rerum habitudines contemplando sibi familiares reddidit cordatus Philosophus, illico, qua ratione tale quid ad usum applicari possit, cogitat; idque tanto lubentius, quanto Divini Numinis laudem & admirationem coram hominibus alioquin α. Φιλοσόφοις hoc ipso magis promoveri, & ad summum hominis bonum extrinsecus etiam adornandum, in gratiam corporis, necessaria subsidia felicius parari posse videt (s).* Hæc autem quum sit natura & indoles Amplissimæ hujus Scientiæ, mirum certe non est, quod jam inde ab antiquioribus retro temporibus, dicta fere ratione, tractari cœperit. Alt sicut omnium Disciplinarum prima incunabula exigua & misera extitere, ita etiam hujus. Hoc enim non solum ex tenuibus incre-

mentis, quæ multis temporibus capere potuit, sed etiam ipsa forma & constitutione ejus perversa, quæ ex Scriptis Veterum colligitur, satis apparet. Accedit præterea, quod hæc, si qua Scientia, durissima & maxime adversa multis seculis experta sit fata, adeo ut vel prorsus intacta atque inulta jacuerit, vel perverse admodum & friuale tractata sit, indeque plus fere damni ceperit, quam si penitus neglecta fuisset. Verum quam misera & deploranda pristina ejus facies exstitit, tam læta & florens hodie deprehenditur. Postquam enim recentiori ævo, indefesso Excellentissimorum Virorum studio & labore, justa & indoli ejus convenienti methodo excoli & tractari cœpit, ad tantum jam fastigium perducta est, ut aliis Scientiis hodie non multum cedat. Quanquam enim negari non potest, multa adhuc in illa desiderari, certum tamen est, multa quoque fausto sidere detesta cuncta, in ordinem redacta, & certis firmisque argumentis confirmata esse. Quisquis enim, vel observationes & experimenta quæ hactenus feliciter facta sunt & hodie adhuc instituuntur, cogitaverit, vel Scripta quæ indies fere in hæc Scientia evulgantur, vel ipsas denique res admirandas simulque utilissimas, quæ sic Orbi eruditio innotuerunt, pensaverit, haud multum de assertis dubitat, sed potius ex flore ejus, etiam de incrementis in posterum exspectandis, spem capiet certissimam, & consequenter justum quoque pretium lubens ipsi tribuet (§). Verum enimvero, utut plurimi sint, qui Amplissi-

mæ huic Scientiæ operam dederint, certum tamen
 est, omnes de justa ejus adlicatione ad usus fines-
 que debitos, non æque sollicitos fuisse, sed potius
 theoretice magis eam pertractasse, adlicationem
 specialiorem aliis forte relinquentes. Interim ta-
 men nec defuere, qui vel maxime usum ceu finem
 & scopum in ea tractanda respexerint, & proinde
 vel ad gloriæ divinæ manifestationem, verumque
 ejus cultum promovendum, vel etiam ad necessita-
 tes & commoda hujus vitæ eam adplicare, sive
 veram nostram felicitatem procurare studuerint.
 Testantur hoc Opera & Scripta quæ in utroque ge-
 nere haud parvo numero habentur. Ut enim illa,
 quæ usus seculares in primis respiciunt & explicant,
 utpote quæ satis nota sunt, & ad institutum no-
 strum jam non spectant, reticeamus; certe horum,
 quæ usus spirituales maxime intendunt & con-
 tinent, ratio, non minus ex ipsis rebus, quæ hoc in-
 tuitu jam in scenam productæ sunt, quam titulis
 & inscriptionibus eorum variis, abunde patet. Ast
 quotcunque sint, qui in Amplissima hac Scientia
 excolenda sudaverint, quotquot itidem Scripta & O-
 pera in illa divulgata, inde tamen haudquaquam
 præsumere licet, vel hactenus nimis in ea labora-
 tum esse, vel in posterum laborari posse; verum
 ut ipsa DEI intentio, scilicet ab ipso intentus, semper
 est & manet idem, ita & obligatio nostra & offi-
 cium. Accedit vero præterea summa hujus Disci-
 plinæ cum utilitas tum necessitas. Sicut enim
 Scientia Naturalis, respectu influxus variis in vi-

tam communem & statum nostrum secularem, maxima omnino necessitatis atque utilitatis est, ita nec minoris censenda, cum ad statum nostrum religiosum s. finem ejus ultimum refertur; sed potius ut finis & scopus ejus tum multo nobilior est, ita & necessitas atque usus longe major. Hoc enim respectu si instituatur rerum Naturalium consideratio; facile patet, eas tum primum per existentiam suam contingentem, qua a se ipsis nec esse nec conservari possunt, Auctoris Supremi veram, æternam & independentem existentiam, certo certius ostendere atque demonstrare. Neinde vero maxima earum multitudo, excellentissima structura & forma, cum admirandis earum affectionibus, summas ejus perfectiones velut conspiciendas nobis sistunt. Harmonia vero & ordo, qui in illis observatur maxime admirandus, ut in primis sapientiam ejus infinitam, ita & providentiam & gubernationem singularem aperi-
tissime prodit. Usus denique & commoda, quæ in vita communi nobis exhibent res Naturales, ut immensam ejus bonitatem erga nos arguunt, ita simul ad venerationem & cultum ejus verum, efficaciter nos excitant, movent & impellunt (¶). Atque sic quidem, prout ex dictis patet, ad veram Religionem Naturalem, ususque ejus percipiendos, nos dicit iusta rerum Naturalium consideratio. Neq; vero in hoc subsistit usus hujus Scientiæ, verum postquam homines vel ejus ope, vel alio DEI beneficio, ad veræ Religio-
nis Revelatæ cognitionem pervenere; certe & tum plus simplici modo illis infervit. Per hanc enim pri-

primum simpliciter ignorantes, non solum ad veram
 DEI cognitionem, ex Revelatione plenius hauriendam,
 facilime adducuntur, verum etiam ad sincerum ejus,
 cultum efficaciter excitantur. *Ita namque simpliciter,
 aperte & emphatice consignatus est liber Naturæ, in-
 quid GALENUS, ut nemo sit, qui non dextre illum
 legere, & probe intelligere possit*(9). Et si qua Philosophia,
 teste CYRILLO, est catechismus ad fidem, cer-
 te hæc ipsa(10). Hinc etiam multos hujus ope, ad
 veram DEI cognitionem & sincerum ejus cultum
 excitatos esse, ex historia notum est. Deinde ve-
 ro, non solum vias ad Atheismum, superstitionem,
 aliaque corrupti ingenii monstra firmissime præclu-
 dit, verum etiam, si qui in hujusmodi barathra jam
 inciderint, hos dexterime erigit, & in saniorem
 mentem redire cogit. Vix enim convenientius
 medium, ad hos vel erroris sui convincendos, vel
 etiam convertendos, adhiberi potest, quam liber
 Naturæ, & quæ in illo exhibentur argumenta; in-
 primis si hæc cum Metaphysicis scite connectan-
 tur(11). Agnoverunt hoc etiam quodammodo Gentili-
 um saniores, qui non tantum ex rerum Naturali-
 um constitutione, existentiam & attributa DEI de-
 monstrarunt, verum etiam omnes qui de hisce du-
 bitare videbantur, ad sedulam earum consideratio-
 nem hortati sunt, & qui inde corrigi se non pate-
 rentur, insanos habendos, contra Naturam aliquosque
 homines rebelles, immo monstra hominum dicen-
 dos judicarunt(12). Hoc ipsum & Revelatio Divi-
 na specialis satis ostendit, & variis confirmat exem-
 plis,

plis, ut Job. XII: 7. 8. 9. Psal. XIX: 1. 2. 3. seq.
 Jes. XL: 26. Ad. XIV: 17. XVII: 24. 27. Rom.
 I: 20. Porro, quemadmodum certum est, etiam
 huic Scientiæ non nihil luminis, dignitatis & robo-
 ris ex memorata Divina Revelatione accedere (μ),
 ita æque indubium est, hanc illi multis modis in-
 servire, vel in divina ejus origine adstruenda, vel
 eadem rite intelligenda & explicanda, vel in dog-
 matibus ejus confirmandis, vel in dignitate ejus ad-
 versus contemtores & hostes propugnanda, vel de-
 nique in debita ejus ad finem intentum applicatio-
 ne (ν). Accedit tandem, quod segnibus & torpen-
 tibus in Religione, varia hinc exsurgent incitamen-
 ta & motiva, ad alacrius in illa procedendum. U-
 bi enim per justam rerum Naturalium considera-
 tionem, vera Religionis Naturalis principia in men-
 te fuerint stabilita, non solum facilius percipiuntur
 dogmata revelata, sed & voluntas simul ad since-
 ram ejus observationem efficacius commovetur; in
 primis quæcum nova argumenta, quæ sæpius in re-
 gno Naturæ obveniunt, rite adiplicantur, & cum ipsis
 præceptis revelatis, ubiunque commode fieri pos-
 sit, scite connectuntur. Quantam enim vim &
 efficaciam hæc ipsa, in animis hominum commo-
 vendis & convincendis habeant, experientia quem-
 libet optime docet. Hinc etiam præclare AUGU-
 STINUS: *Creaturæ ducunt nos primum ad DEum co-
 gnoscendum, deinde vero ad reverenter ipsum colen-
 dum* (\circ). Quid vero jam de necessitate Amplissimæ
 hujus Scientiæ dicemus? ea quidem, si unquam,
 cer-

certe hoc in primis corruptissimō, & in cultu
 DEI frigidissimo ævo, longe maxima est censem-
 da. Quod si enim malis, hac in re quotidie ma-
 gis magisque propullulantibus, aliquod remedium ad-
 hiberi poterit, certe vel ex hoc fonte, tam vera
 Religionis principia, quam argumenta & motiva
 ad illam stringentia, studiosius sunt haurienda, vel
 saltem probe jam evoluta, sæpius in memoriam re-
 vocanda(π), Hæc mecum identidem reputans, si-
 mulque Scripta Excellentissimorum ex hoc genere
 Virorum, diligentius evolvens, tanta captus sum
 animi voluptate, ut virium tenuissimarum licet probe
 gnarus, temperare mihi non potuerim, quo minus
 vestigiis eorum, in stadio hoc laudatissimo, insistere sal-
 tem conarer. Hinc jam ante quadriennium & quod
 excurrit, experimentum quoddam hujus rei facere
 licuit, *Dissertatione de Sono Magnalium Divinorum
 Praæcone*, in qua etiam de Tonitru, ceu Sono ma-
 xime memorabili, agendum erat. Ast quum hoc,
 ampliorem jure tractationem requirere videretur,
 quam ut pagellis istis commode comprehendi pos-
 set, in aliam, si quando se offerret, occasionem,
 fusiorem ejus considerationem differre coacti fu-
 mus. Quod ergo ansam mihi hujus laboris suscipi-
 endi dedit, fuit, præter voluptatem & desiderium,
 cuius modo memini, propositum illud & promis-
 sum, quod jam non fallendum videbatur. Accessit
 insuper ceu primarium momentum, Auctoritas
 Eorum, quos humillima observantia, nunquam non
 venerari decet imo oportet. Habes itaque hic, L.

B. ansam & scopum hujus opellæ, paucis expositum.
 Quod si vero exspectationi Tuæ satisfacere non
 potuero, quod ob virium tenuitatem, occasionisque
 optatae defectum, ne sperare quidem licet, rogo
 qua par est observantia, digneris fortis nostræ com-
 munis memor, defectus quos in hac observaveris,
 mitiori perstringere censura, & conatum meum
 qualenicunque æqui bonique consulere!

- (α) In Hexaemer. XI. (β) De offic. Lib. I. Cap. 7.
 (γ) In Init. Doctr. Phys. Lib. I. fol. 17. (δ) Nat. Quæst. Lib.
 I. Præfat. (ε) In Analys. Aristotel. ex Euclid. restit. S. III.
 Memb. II. Cap. 6. (ζ) Conf. Verdries. Phys. Prolegom. § XII.
 p. 26. (η) Conf. Bernb. Nieuwentyt. Recht. Gebr. der Weltb.
 in Prolegom. Item Chriß. Wolf. Theol. Nat. Part. prior. Cap.
 V. §. 798. seqq. (ξ) De Usu Part. Lib. XVII. Cap. 1. (ι) Tract.
 I. Contr. Jul. (κ) Conf. Verdries. I. c. §. XIV. p. 32. (λ) Vid.
 Cicer. De Nat. Deor. Lib. I. Cap. 17. Lib. II. Cap. 16. Item
 De Divinat. Lib. I. Plutarch. De Placit. Philos. Lib. I.
 Cap. 6. seqq. (ν) Conf. Dissert. Mag. H. G. Porthan Inscript.
 Revelationi quid deb. Philos. nostr. (ρ) Conf. Rambæth. Instit.
 Hermen. Sac. Lib. III. Cap. IV. §. 8. seqq. Bernb. Nieuwentyt.
 I. c. Scheuchzer. Phys. Div. Præf. Disput. Dni Laihiander De Usu
 Scient. Nat. in Theol. Revel. (σ) Lib. II. De Civit. DEI
 Cap. 21. (π) Conf. Derham. in Præfat. Physico-Theol.

§. I.

Ut ipsum objectum tractationis nostræ luculentius
 patescat, hand inconsultum videtur, in ipso
 mox limine paucis ostendere, quæ & qualis Tonitru
 formari soleat idea. Quanquam enim certissimum
 sit,

) ii (B

fit, admirandum hoc phænomenon, inde a prima rerum constitutione per omnia secula, & ubique terrarum observatum esse, & hoc etiam quo vivimus ævo, frequenter, satisque sensibili modo contingere, dici tamen vix potest, quam incognita vera ejus natura, non solum pristinis temporibus fuerit, verum etiam hodie adhuc sit. Imperitum Vulgus quod concernit, illud neque de hoc, neque aliis Naturæ Phænomenis, quidquam, vel certe parum admodum curare solet, sed potius velut communem, & nihil novi aut speciosi involventem Naturæ operationem, vel etiam ut easum fortuitum, vel denique ut rem, quæ nullo modo cognosci possit, neque proinde tam solicite considerari mereatur, respicit. Hinc & haud secus ac bruta animantia, nihil fere, præter effectus ejus stupendos in organa sensoria incidentes, de isto percipit; immo quod magis dolendum, per summam hanc ignorantiam, ad superstitiones conceptus & aniles fabulas, de excellentissimo hoc Summi Artificis opere formandas, pronissimum est (a). Quod vero ad illos, qui studio literarum innotuere, adtinet, certe nec hi, vario licet labore & singulari industria in vera natura ejus investiganda, prout optandum esset, profecerunt. Patebit hoc evidentissime, si & varias illas, satisque absurdas opiniones, quas Antiquiori in primis ævo, de illa foverunt Naturæ Scrutatores, & ignorantiam, qua hodie adhuc in multis circa illam laborant, in mentem revocemus. Antiquissimi, quantum constat, Gentiles, Tonitru vel pro

ipso Jove, vel saltem immediato ejus effectu habuerunt, prout patet, tam ex nominibus, quæ ipsi trüberunt: *Tonans, Altitonans, Fulminator, Brontans* &c., quam locutionibus in Scriptis eorum sæpius occurrentibus, e. g. *Jove tonante, Jove fulgurante* &c. (c) Unde etiam OVIDIUS: *Inque Jovis dextra fīcile fulmen erat* (γ). Quid? quod & rationem hujus opinionis adferat CICERO, dum inquit: *Nonne perspicuum est, ex prima admiratione hominum, quod Tonitrua, jactusque fulminum extimissent, credidisse ea efficere rerum omnium præpotentem Jovem?* (δ) Hinc etiam factum est, ut Tonitru haud secus ac DEUM, multi horum colerent & adorarent (ε). Immo si verum est, quod a Nonnullis asseritur, Jovem idem fuisse idolum, ac quod a Majoribus nostris in Gentilismo, nomine *Thor* veneratum novimus, certe nec hæc opinio ab illis absuit. Colligitur hoc haud obscure, vel ex appellatione Tonitru quæ hodie adhuc obtinet in Lingua Svec. *Thordön*, (h. e. fragor à Thor) & *Thorvigg*, (h. e. cuneus ejusdem;) & Lingv. Fenn. *Ukoinen*, (h. e. senex fortis & robustus) unde *Uckoisen jylinae*, (h. e. strepitus & murmur ejusdem Senis) (ζ). His autem proxime accedunt, qui Tonitru pro effectu Geniorum in primis malorum, vel fragore & murmure ab illis in aëre excitato, venditarunt (η). Alii vero, haud secus ac casum quendam fortuitum, hoc Meteoron respexerunt (θ). Alii denique nihil fere aliud de eo notum esse professi sunt, quam esse illud murmur in nube, & sonitum in aëre (ι). Veteres autem Græcos in genere quod

adtinet, hi, quantum opiniones eorum percipere, vel potius conjiciendo assuequi licuit, in multis licet inter se dissentiant, in hoc tamen consensisse videntur, quod Tonitru nihil sit aliud, quam effectus vehementior nubium, aërem, vel ut alii volunt, anhelitus terræ includentium, & in compressione sua varie eundem agitantum, prementium, & tandem, ubi vi hujus elastica disrumpantur, cum maxima violentia eundem emittentium s. disploidentium; unde sonus iste, s. fragor vehementissimus exortatur (n). STOICIS vero in primis tribuitur, quod Tonitru nihil aliud esset, quam fragor, ex collisione nubium vehementiori inter se, ortus (λ). Quamvis & communis illa sententia a Nonnullis ipsis adsignetur (μ). ARISTOTELES autem, cuius theoria multis temporibus postea communem adplausum obtinuit, Tonitru non nisi fragorem vehementerem, ex spirituosis exhalationibus in aërem elevatis, ibique per compressionem nubium in antiperistasis excitatis, sicque incensis, ortum, esse statuit; Ut adeo eadē essent natura Tonitrua in nubibus, ac terræ motus in terra (•). Accedentes vero jam ad illos, qui postmodum ab hisce discensisse visi sunt, certe nec horum omnes multo saniores deprehendimus. Occurrit inter hos CARTESIUS, qui estimavit Tonitru esse fragorem, ex multarum nive obductarum ac fere congelatarum, ad instar tabularum in se invicem, per aliquam distantiam cumulatarum nubium delapsu, superiorum videlicet inferiores, excitatum (◦). GASSENDUS autem, To-

nitru haud secus ac effectum pulveris pyrii sibi re-
 præsentavit, adeoque & ex ejusdem generis mate-
 riæ commixtione, eodemque prorsus modo hoc o-
 riri contendit (π). WILLEMONTIUS vero statuit,
 exhalationes sulphureas & nitrosas, a duobus ven-
 tis contrariis, in angustum vorticem cogi, ibique
 in tam rapidum motum excitari, ut exinde incen-
 dantur, atque sic hunc effectum producant (ϵ). RUDI-
 GERUS denique, ut Alios jam ejusdem fere farinæ,
 silentio transeamus, plures nubes in ejusmodi statu-
 mente concepit, ut radios solis, incidentes in cer-
 tum punctum earumdem, reflectant, ubi certam ve-
 siculam diripiunt, quæ primum in aërem, mox autem
 in flammarum igneum convertatur, adeoq; fulmen cum
 Tonitru efficiat (σ). Recentiores autem quod concer-
 nit, certum quidem est, etiam inter hos, alia at-
 que alia sententiarum divortia, circa naturam hu-
 jus phænomeni observari, interim tamen, si ge-
 neratim theoriam eorum complecti velimus, in hoc
 fere consenserunt, quod esset fragor ex diversarum
 exhalationum, in aëre congregatarum, incensione
 ortus, indeque per violentissimum aëris motum, in-
 signiter auctus (τ). Et hoc quidem, eo confidentius
 assertere visi sunt, quod etiam Operationibus Che-
 micis, per commixtionem diversarum materiarum,
 effectus haud dissimilis produci possit. Sed utcun-
 que probabilis, & communis fere suffragio adopta-
 ta hæc theoria fuerit, interim tamen, perspectis dif-
 ficultatibus quibus & illa premeretur, simulque
 admirandis materiae Electricæ effectibus, qui cum
 hocce

hocce phænomeno optime convenienter, etiam ab
 illa discedere nulli dubitarunt Recentissimi Naturæ
 Mystæ, & potius pro effectu memoratæ materiæ
 istud agnoscere voluerunt, ut neque natu-
 ram hujus materiæ plene cognoscant, neque ipsum
 modum, quo hoc phænomenon inde oriatur,
 vel ab ea dependeat, adhuc certo exponere va-
 leant. (v) Ait si hic jam paulisper subsistentes, ea
 quæ sic allata sunt mente recolamus, sine dubio
 mox deprehendemus, inter stupenda atque excel-
 lentissima Naturæ mysteria, hoc phænomenon refe-
 rendum esse. Hoc enim, sive ignorantiam vulgi
 hic respiciamus, sive difficultates quas Eru-
 diti in vera natura ejus indaganda, semper experti
 sunt, & defectus quos etiamnum deprehendunt, ad
 oculum patet. Absit igitur, ut vel prorsus istud
 contemnamus, vel frigide tantum, multo minus per-
 verse illud tractemus, sed potius ut Opus Summi Artifi-
 cis digne æstimemus, & prout natura ejus requi-
 rit, reverenter consideremus. Hoc autem fiet, si
 non tantum veram ejus cognitionem, quantum fieri
 possit haurire, atque sic ad commodum nostrum in
 vita communi, istud applicare allaboremus, ve-
 rum etiam simul, & quidem primario, singularia in
 illo momenta perpendentes, ad cognitionem ipsius
 Summi Auctoris magnaliumque ejus, ope hujus per-
 venire studeamus; ut præclare monet GERHAR-
 DUS: *In Natura diligenter observandum, quid ad spiri-
 tualem usum, ac nostri informationem faciat, ut ex con-
 templatione Rerum Naturalium, fructum spiritualem bau-*
ria-

riamus (ϕ). Ad hoc vero, si quod Naturæ opus, certe hoc, ansam nobis commodissimam suppeditat. Attendentes enim vel ad ipsam occultam ejus naturam, satis deprehendemus, istud non effectum entium quorumcunque finitorum, sed potius Infiniti atque a se ipso Existentis esse. Immo respicientes simul, tum maximam difficultatem circa investigationem ejus, tum ignorantiam quæ in illa occurrit, non minus infirmitatis ac tenuitatis nostræ, quam Majestatis Divinæ, efficaciter exinde convincimur. Probe enim more suo affirmat KRYGERUS noster: *Den enfaldige mannen visar gemeiligen mycken räddboga för dessa och dylika Eld-Meteora - - men om man allenast fölgde sit förnuft efter, så skulle man snarare finna jämvälv häruti fotspår til GUDS allmägtighet och vishet &c.* (x). At ubi vera Entis Perfectissimi cognitio menti instillata est, ibi non potest non, saltem debet intima simul ejus veneratio, cultusque ipsi conveniens oriri. Quis enim Istud ceu tale, sine maxima admiratione dignaque aestimatione respicere posset? Quis velut sponte ad verum ejus amorem & timorem non rapiatur? certe illis, qui simul se totos ab illo dependere norunt, nihil magis incumbit. Hinc etiam CICERO: *Quid prodest credere DEum, nisi & simul venemur* (ψ). Et rursus: *Cum cognitione DEorum, semper jungenda est religio* (ω).

(α) Vid. Walbii Lex. sub. voc. Donner. Conf. & Job. Frid. Kryger. Natur. Theol. Part. I. Cap. V. §. VIII. p. 98.

(β) Vid.

(β) Vid. *Cicer.* De Divinat. Lib. II. Cap. 18. (γ) Faſt. Lib. I. 202. (δ) vid. loc. mod. cit. (ε) vid. *Wolffius* De Origin. & Progress. Idololatr. Lib. III. Cap. 8. (ζ) vid. *Hyphoff*. Inledn. til Svenska Histor. Lib. I. Cap. 6. §. 2. (η) Conf. *Wæschii* Lex. loc. cit. Item *Krüger*. Phys. Cap. XII. §. 566. (θ) vid. *Lucretius* Lib. VI. v. 386. seqq. (ι) Conf. *Ovid*. I. c. (κ) vid. *Plutarch*. De Placit. Philos. L. III. Cap. 3. (λ) vid. *Plutarch*. I. c. Et *Laertius* Lib. VII. Segm. 153. (μ) Conf. *Cicer.* De Divinat. Lib. II. Cap. 19. (ν) vid. Lib. de Meteor. Cap. III. T. IV. Item Cap. IX. (ο) vid. Meteor. Cap. VII. §. 5. Et Cap. VIII. (π) vid. Ejus Phys. Sect. III. Membr. Pri. 2. 5. (ρ) vid. Ejus syst. Nouv. des Planet. pag. 28. (σ) vid. Ejus Phys. Div. Lib. III. Cap. II. Sect. 2. (τ) vid. inter Alios *Verdries*. Phys. Part. Spec. Cap. V. §. 9. *Musschenbroek*. Elem. Phys. Cap. XL. §§. 1338. 1339. 1342. 1345. *Derham*. Physico-Theol. Lib. I. Cap. 3. *Ibūmmig*. Instit. Philos. Nat. Cap. VI. §. 199. 201. *Krafftii* Prælect. in Phys. Part. III. Cap. V. §. 264. *Krüger*. Phys. I. c. §. 565. seqq. (υ) vid. Nob. Dn. *Klingenstiernæ* Tal om de nyaste rön vid Electriciteten, hab. A:o 1755. Cel. Dn. Prof. *Durai* Præl. in Phys. Sect. de Meteor. §. 178. Acta Reg. Acad. Scient. Holm. pro Anno 1757. item A:o 1759. Part. II. & III. (φ) Comment. ad Luc. XXI: 29. (χ) vid. loc. mod. cit. (ψ) *De Nat. Deor.* Lib. III. (ω) *De Divinat.* Lib. II.

§. II.

Primum quod in admirando hoc Naturæ ope-
re, si veram ejus rationem cognoscere velimus,
considerandum occurrit, est ipsa *Materia* ex qua or-
itur. Quum enim nullum videatur dubium,
Naturam operationes suas, interveniente certa qua-
dam materia, ejusque juxta certas regulas institu-
to motu, efficere, quamvis ista nobis non ita per-

specta sint, ut omnes effectus ex illis, in quolibet
 casu, explicare possimus; facile patet, etiam hic
 certam adesse materiam, ex qua hocce phæno-
 non oriatur. Hæc autem quæ qualisve sit, difficil-
 limæ omni ævo fuit investigationis, neque hodie
 adhuc, saltem quoad qualitatem ejus, ad liquidum
 perduci potuit. Veteres quod adtinet, ex opinioni-
 bus eorum §. præcedente allatis, facile patet, eos
 vel nullam materiam, proprie sic dictam, hic admi-
 sisse, vel admodum absurde de ea sensisse. Inter il-
 los autem, qui postmodum materiam hujus phæno-
 meni investigare studuerunt, primum occurrit FA-
 BRY, qui exhalationes quascunque facile inflammabiles,
 pro materia ex qua oriretur, adoptavit(α).
 GASSENDUS vero, Tonitru haud secus ac effectum
 pulveris pyrii sibi repræsentans, materiam ejusdem
 generis, ac compositiones istæ sunt, quæ pulveris
 memorati materiam ingrediuntur, etiam hic adesse
 existimavit(β). HOLMANNUS autem, ut nihil jam
 de Aliis sigillatim dicamus, salinis tantum particu-
 lis, fragorem, qui hic observatur, tribuens, nimis
 forte materiam hanc restrinxit(γ). Quicquid autem
 sit, in eo fere Recentiores consenserunt, quod ex-
 halationes quæcunque facillime inflammabiles, si-
 mulque ad fragorem edendum aptissimæ, materiam
 hanc generatim dicendo constituerent(δ). Neque
 hæc eorum theoria fundamento destitui videbatur.
 Quum enim certum sit, exhalationes varii generis,
 de corporibus terrestribus, in altum evehi ibique
 congregari, nihil quoque obstat videatur, quo mi-
 nus

nus hæ facta commixtione effervescant, atque sic incendantur, incensæ vero, pro ratione materiaæ a-liarumque caussarum accendentium, fragorem edant. Ast quum pro diversitate corporum terrestrium, ipsa quoque effluvia, multum omnino inter se va- rient, & horum quoque diversæ fieri possint com- mixtiones, haud facile determinari potuit, quænam horum materiam hujus phænomeni præcise consti- tuant. Attamen, quum ipsa qualitas & effectus Tonitru, istas hie in primis prodere videretur exhalationes, quæ & facillime incendantur, & simul fra- gorem edant, non minus phlogisticas, utpote sul- phureas & oleosas, quam salinas & elasticas, ut nitrosas salisque tartari, materiam ejus potissimum ingredi statuerunt. Et illas quidem seu phlogisti- cas hic adesse, non solum ex flamma celerrime or- ta & rapidissime transeunte, verum & odore sulphu- reo in locis fulmine tactis observato; has vero, ex diverso colore flammæ, aptitudine earum ad frago- rem edendum, & certis quoque illarum indiciis in locis memoratis, tuto colligi posse existimarunt (s). Deinde nec parum roboris huic sententiæ inde ac- cedere videbatur, quod Operationibus Chemicis, per commixtionem hujus generis materiarum, Tonitru artificiale, haud multum a naturali, quoad qualita- tem s. speciem externalam, differens, produci queat (t). Hæc autem theoria, quamquam communis fere o- mnibus Eruditis fuit, tantum tamen abest, ut perfectam illam s. adæquatam ducerent, ut poti- us multa in illa desiderari, variisque difficultati-

bus eam premi, Saniores agnoverint omnes, licet simul, unde aut quæ medela huic malo adhibenda esset, nescirent (7). Verum enimvero, postquam haud pridem, aliis aliisque factis experimentis, vis materiae Electricæ plenius cognosceretur, ejusdemque generis effectus, ac qui in Tonitru occurrunt, præstare observaretur, factum est quod diximus, ut a priori illa exhalationum theoria discederent Recentissimi Naturæ Mystæ, & solam materiam Electricam tanquam principium hic assumerent (8). Ut vero ratio hujus theoriæ clarius patescat, qualitatem & effectus materiae memoratae, quantum ex certis experimentis hactenus innotuere, paucis commemorabimus, atque sic, quid vel quatenus illa ad hocce phænomenon conducere videatur, dispiciemus. Quod ergo primum ad qualitatem ejus adtinet, certum quidem est, ipsam essentiam & naturam ejus nos latere, tantum autem scimus, quod illa latissime per totum globum terraqueum pateat, & ope artis quoque, aliis aliisque modis jam excitari possit. Similiter notum est, eam, utut sic latissime pateat, ex terra tamen, ceu communi promptuario, potissimum oriri, quam videlicet ea aliis corporibus impertiri nequeat, nisi communicatio non impedita adsit cum ipsa terra. Præterea constat, materiam hanc in statu suo naturali, vel dum corporibus inest aut ceteroquin quieta, velut in exactissimo esse æquilibrio, nec per ullos effectus sese prodere, sed posse tamen ope artis ita excitari atque turbari, ut per effectus in-

gula-

gulares sensibilis evadat. Atque hinc simul patet, maiorem vel minorem gradum Electricitatis, qui in diversis corporibus observatur, ex alia aliaque horum relatione ad vim Electricam universaliter pendere. Utrum vero homogenea sit haec materia, an diversæ compositionis & indolis, nondum ad liquidum perduci potuit. Quamvis enim Alii, ex diversis ejus effectibus in aliis aliisq; casibus, ipsam quoque naturam ejus diversam esse suspicarentur, aliam videlicet vitream, aliam vero resinofam, ex aliis tamen experimentis observarunt Alii, per unum idemque instrumentum vitreum, materiam utriusque generis produci posse; adeoque in ipsa materia nullam eo respectu adesse diversitatem, sed inæqualitatem, quæ in effectibus hic occurrit, ex turbato ejus naturali æquilibrio, h. e. diversa ejus copia, & relatione corporum ad se invicem in alio alioque statu, unice dependere; & quidem eo magis, quod haec vi sibi insita, æquilitatem istam naturalem semper servare, turbatam vero omni conatu restituere nitatur. Hinc etiam differentiam memoratam, Excessivam potius & Defectivam, quam vitream & resinofam appellandam volunt. Ait hoc ipso tamen nondum plane decisum videtur, annon alio quodam respectu diversitatem quandam admittat. Porro, ut æquilibrium ejus naturale, ope artis facile turbari potest, ita & sine ullo negotio restitui. Et prout hoc citius vel tardius fiat, ita & effectus majori vel minori vehementia existere observatum est. Accedit de-

denique, quod vis hujus materiae semel excitata, non solum a se aliquamdiu durare possit, verum etiam artis beneficio diu satis conservari. Quod vero jam ad effectus hujus materiae adtinet, ex experimentis itidem notum est, eam in primis alia corpuscula leviora attrahere, alia vero repellere. Deinde, quod scintillas quasdam cum strepitu emittere soleat. Et denique cum vis ejus modo solito augetur, ictum & convulsionem sati vehementem, in corporibus hominum animantiumque, simul cum scintilla & fragore quodam, efficere compertum est. Quod si igitur hos aliquos que hujusmodi effectus materiae Electricæ, cum iis qui in Tonitru occurrunt conferamus, maximam sine dubio inter utrosque similitudinem deprehendemus. Sic in Tonitru maximam observamus flammarum, quæ fulmen dicitur; in materia vero Electrica, scintillas quasdam majores vel minores, pro ratione copiæ augmentique virium ejusdem. In Tonitru contingit horrendus fragor & murmur, quo ipsa terra, corpora terrestria, ipsaque animalia contremiscunt; materia autem Electrica, strepitum quendam haud vehementem, sed tamen cum aliqua commotione & tremore efficit. Tonitru, flamma emissâ, s. fulmine, facilime incendit omnia combustibilia; scintilæ vero materiae Electricæ, materias maxime inflammabiles accendunt. Tonitru, fulmine forte emissâ, corpora quæcunque obvia & resistentia, maxima vi turbat, frangit & contundit; materia autem Electrica, ictu

&

& convulsione in primis vim suam prodit. Tonitru unico ictu, vel maxima animalia, & quidem saepe sine vulnere conspicuo enecat; vis autem Electrica, in animalculis idem efficit. Tonitru denique, fulmine emissso, velut in momento metalla quæcunque liquefacit; vis autem Electrica, in primis insigniter aucta, eundem ferre effectum præstat (i). Observata igitur hac effectum similitudine, in qua nulla alia obtingat differentia, quam quæ inter opera artis, ipsiusque Naturæ intercedere soleat, nihil convenientius fuit concludere, quam ejusdem generis effectus, ex eodem quoque dependere principio, s. eandem agnoscere materiam, easdemque caussas. Nec quidquam hic desideratum est, nisi ut certis experimentis theoria hæc confirmaretur. Hoc autem, præente D:no FRANKLIN, a Plurimis & quidem eo successu factum est, ut per virgam ferream acutam, quæ ceteroquin materiam Electricam facillime attrahere observabatur, in atmosphæram nubium tonitrualium elevatam, revera materiam hanc exinde deducerent, eamque in vase vitrea inductam, in illis quoque aliquamdiu conservarent. Quod autem hæc materia, ejusdem prorsus generis sit cum ea, quæ ceteroquin artis ope producitur, ex iisdem effectibus, utpote scintillis cum fragore emissis, attractione & repulsione, commotione & ictu, qui tamen hic aliquanto fortiores deprehenduntur, tuto colligitur (ii). Accedit præterea ceu certo observatum, virgam memoratam semper quoties nubes

bes tonitruales istam transeant, Electricam reddi, quanquam & aliquando cœlo sereno idem contin-
gat, certo forte indicio, quod ipsa atmosphæra sem-
per aliquid hujus materiæ contineat. Deinde, quod aliæ harum nubium, Electricitatem Positivam s. Exces-
sivam, aliæ vero Negativam s. Defectivam, cum vir-
ga dicta communicent; imo quod una harum in
alteram, sæpius vel aliquot minutis, commutetur.
Porro, quod virga hæc, furente Tonitru, subinde omnem suam amittat Electricitatem, mox autem ean-
dem rursus accipiat. Et denique, ut cætera jam omitta-
mus, quod Electricitas hæc virgæ, tempore matu-
tino & vespertino, debilior plerumque quam alias sentiatur (λ). Sed quanquam dubium quodvis de
veritate hujus theoriæ sic sublatum est, interim tamen multa adhuc in illa occurrunt, quæ nondum probe intelligi, vel ad liquidum perduci potuere.
Sic e. g. quod ad ortum dictæ materiæ adtinet, pu-
tant hujus Scientiæ peritissimi, eam per totum glo-
bum terraqueum latissime patere, adeoque velut o-
riginaliter in ipsa etiam atmosphæra deprehendi, sed tamen de terra potissimum, tempore quo Tonitru
existit, ope forte caloris vel aliarum cauſalarum, ma-
jori copia adscendere, & velut nubes constituere.
Deinde quod ad naturam ejus, ex odore inprimis sulphureo quem prodit colligunt, istam sulphurei
quid continere, s. ad naturam sulphuris aliquo modo
accedere, ita tamen, ut a sulphure minerali quam
maxime differat. Unde etiam hoc fere modo il-
lam describunt, quod sit materia ignea, purissima,
s. sul-

f. Sulphur ita dictum principiale, cum videlicet ore & palato accepta, saporem relinquat acidum, ac nares feriat spiritu vitrioli vel sulphureo (μ). In his tamen nihil adhuc cum certitudine afferi potest, sed potius futuræ experientiae sunt committenda. Ast si hæc rursus, quæ de materia Tonitru sic allata sunt, paulo attentius pensitemus, sine dubio etiam hic magnalia divina satis conspicua deprehendemus. Adtendentes enim vel ad ignorantiam, quæ circa eam obtinuit, vel difficultatem in illa investiganda, facile convincemur, eam, respectu ortus sui, intellectus finiti perspicaciam & potentiam limitatam, longe superare; adeoque Entis Supremi existentiam, summasque perfectiones evidentissime demonstrare. Sive namque ipfas exhalationes, cujuscunque demum generis sint, sive ipsam materiam ex illis ortam, hic respiciamus, certe nihil potius quam infinitam sapientiam & potentiam aper-te deprehendimus. Quis enim ejusmodi exhalationes excogitare? Quis earum principia f. elementa corporibus primum infundere? Quis eas tam facile, tam commode, tantaque copia ex illis elicere posset, ut veram ejusmodi materiam, huic phænomeno producendo aptissimam, constituerent? Quis quæso vere percipere potest, quid aut qualis illa materia sit? aut quis certo dicere audet, quomodo ea vel excitetur vel disponatur, ut hocce phænomenon ex illa actu existat? certe nullus sobrie philo-sophans, eo audaciæ haec tenus processit. Immo si vel aliquando contingret, ut aliquid horum certo

perciperetur, quis tamen esset, qui hæc ipsa actu præstare posset? Certe nullum quotquot entium finitorum sunt. Confitendum hic potius cum Jobo: *Tonat Deus voce sua mirabiliter, faciens magnalia & non scimus* (v). Quid ergo? quum vel ipsa hæc materia, tam existentiam quam Majestatem Entis Supremi adeo luculenter nobis declaret, agnoscamus ipsum quale se nobis manifestavit, veneremur, quemadmodum summæ ejus perfectiones requirunt!

(α) vid. *Watchii Lex. loc. cit.* (β) vid. *Ejus Phys. Sect. III. Membr. Pri. 2. 5.* (γ) vid. *Ejus Phys. §. 637.* (δ) Conf. int. *Alios Verdries. Phys. Part. Spec. Cap. V. §. 9.* *Musschenbroek. Elem. Phys. Cap. XL. §. 1338. seqq.* *Krafftii Præl. in Phys. Part. III. Cap. V. §. 263. seqq.* *Krüger. Phys. Cap. XII. §. 563. seqq.* *Ihümmigii Instit. Philos. Nat. Part. III. Cap. VI. §. 199. seqq.* & *Dissert. Dn. Polviander De Fulmine, Aboæ 1746.* (ε) vid. *Auct. modo cit. & inpr. Disput. cit.* (ζ) vid. *Cel. Musschenbrockii Essai de Physique, pag. 872.* (η) Conf. *Acta Reg. Acad. Scient. Holmiens. pro A:o 1757.* (θ) vid. *Tract. Winkler. Von Electrisch. krafft des Wassers, 1746 edit.* §. 155. Inprim. vero sup. cit. Nob. Dn. *Klingenstierna Täl.* Et *Acta Holmiens. pro Anno 1759. Part. II. & III.* (ι) vid. *Cel. Dn. Prof. Durai Prælect. §. 54.* (κ) vid. modo laud. Nob. Dn. *Klingenstierna Täl.* (λ) vid. *Acta Holm. l. c.* (μ) Conf. Dni *Grönberg. Disp. De Lapid. Tonitr., hab. Upfal. 1760.* (ν) *Job. XXXVII: 5.*

§. III.

Perspecta, quantum fieri potuit, materia Tonitru, proximum est, ut paucis jam ipsum *Orium ejus*

jus consideremus, & magnalia divina, quæ inde eluent, evolvamus. Sicut autem circa materiam ejus investigandam, maxima obvenit difficultas, & sententiæ haud parum inter se differentes, ita & in iis, quæ ad ortum ipsius cognoscendum, spectant. Antiquiores eorumque Opiniones, utpote quæ ex allatis jam haud obscure innotescunt, neque hic morabimur. Qui autem recentiori ævo, in ortu hujus phænomeni investigando sudarunt, in diversas quoque abivere sententias. Quamvis enim de eo plerumq; convenerint, quod ex exhalationibus incensis oriretur, circa ipsam tamen incensionem, quoad cauſam & modum ejusdem, quam maxime disſenserunt. Sic Alii solo calore ejusmodi incensionem contingere existimarunt, & quidem eodem fere modo, ac tartarus fulminans vel aurum fulminans, ingenti strepitu deflagrant. Alii vero, solo attritu particularum ad se invicem, istam procurari statuerunt. Alii, inprimis radiis solaribus quodammodo concentratis, effectum hunc tribuerunt. Alii autem, per effervescentiam quandam, exhalationes memoratas incendi asseruerunt, & quidem eadem fere ratione, ac spiritus acidi fortiores cum oleis commixti, flammam concipiunt (a). At communiter fere, modum ortus Tonitru ita conceperunt, ut flamma primum accensa, dum maxima celeritate tractus fulmineos transeat, alias aliasque particulas, quas jam accendere non potuit, secum devolvat, easque ad aliquam massam congregatas, simulque ita calefactas, ut cum reliqua materia fa-

eile incendi queant, modo accenderet, quæ cum rapidissime incensæ, maxima vehementia displodantur, aërem violentissime concutiant, atque sic fragorem istum, quem Tonitru dicimus, efficiant (3). Recentissimi autem Naturæ Mystæ, qui materiam Electricam hic ceu principium assumunt, ingenuæ quidem fatentur, omnia quæ hue spectant, ita nondum perspecta esse, ut modum speciæ ortus Tonitru, exinde demonstrare queant, quamvis de rei veritate, ob similitudinem effectuum utriusque phænomeni, nulli dubitant. Per experientiam quidem notum est, materiam Electricam, ut ut latissime in rerum natura diffusa sit, nunquam, quādiu in statu suo naturali velut in æquilibrio manet, observari, sed necessario requiri, ut hic status ejus aliquo modo turbetur, vel inæqualitas quædam in illo producatur, si vis & effectus ejus sensibiles evident; hoc tamen quomodo a Natura ipsa peragatur, haud facile explicari potuit. Quanquam enim alias aliasque vias ingressi sunt Viri Excellentissimi, in modo isto investigando atque explicando, vix tamen quidquam hæc tenus profecerunt. Sic Alii atmosphæram per se jam Electricam esse, adeoque vim suam cum exhalationibus adscendentibus mox communicare posse crediderunt. Alii vero, omnes exhalationes Electricas esse putarunt, & quidem diverso modo, ut adeo per se huic effectui producendo sufficerent. Alii rursus existimarent, aquam in vapores resolutam, majus spatum occupare, quam antea, adeoque & majorem copiam hujus materiæ assumere posse, quæ postea rursus, per variam dispositionem, incensionem & communicationem, ab his in alias nubes formandas, propagari queat. Alii porro, inquirendum proponunt, annon aér ipse, dum celerime expanditur, ignem Electricum cum nubibus communicare possit, eundemque, dum rapidissime rursus contrahitur, ab illis abripere. Alii denique vim nubium Electricam, ex mutuo attritu exhalationum oleofarum cum vaporibus a queis

queis in atmosphæra, declarare conati sunt (γ). Verum enim vero, quum omnes hæ sententia, uteunque ingeniosæ atque plausibiles viderentur, non nisi nudis fere speculationibus niterentur, & præterea variis premerentur difficultatibus, factum est, ut Alii potius ad ipsas operationes, quibus vis Electrica artis ope excitatur, hic attendendum judicarent. Cumque harum tres in primis hactenus innotuerint, attritus videlicet materiae vitreæ vel resinosa, colloquatio & calefaction, quibus aliquo modo accedat communicatio ita dicta Electricitatis, has rite operationibus Naturæ applicare, indeque effectum caussam & ortum colligere decreverunt. Hoc autem facto, deprehenderunt, has ita comparatas esse, ut vel ægre ab ipsa Natura exspectari queant, vel aliis aliisque premanatur difficultatibus, vel denique nullo modo hic concipi queant; ut adeo ne sic quidem certi quid invenire licuerit. Interim tamen observandum, istum modum, quo per communicationem dictam contingere putatur, utpote qui in positionibus, ex certis experimentis deductis, fundetur, neque tot saltem difficultatibus ac cæteri prematur, hactenus probabilissimum visum esse (δ). Quicquid autem sit, nullum est dubium, Naturæ multas suppetere vias & modos æquilibrium istud tollendi, effectusque dictos producendi, quamvis illi nobis nondum certo pateant. Et hoc quidem eo certius est, quod experimentis factis probatum sit, ejusmodi inæqualitatem, in nubibus tonitrualibus actu deprehendi. Accedit præterea, ceteri itidem certo compertum, materiam Electricam, sapientius vel aliquot minutis, sic commutari, ut modo hujus modo illius generis esse observetur. Ex quo adeo patet, effectus, tonitruales, per ejusmodi turbaram æquilitatem hujus materiae, ab ipsa Natura, & quidem longe facilius atque excellentius, ac arte humana sit, produci posse (ϵ). Sed quocunque hic progrediamur, nihil clarius quam operum Naturæ excellentiam, nostram vero tenuitatem in

omnibus deprehendimus. Effectum scimus, modum vero quo existat, ignoramus. Quid ergo aliud hic sagemus, quam infirmitatem nostram vere agnoscentes, Auctorem Naturæ, cuius Majestatem, vel ex hoc ejus opere fatis evidenter comperimus, supplices venerari dicamus. Sive enim ipsas operationes Naturæ, ceu caussas ad effectum hic concurrentes, sive ipsum modum quo istum producunt, respiciamus, facile convincemur, hocce phænomenon, neque casu fortuito existere, neque ab ulla entibus finitis effici posse. Deprehendimus enim hic, ut materiam isti præstanto aptissime dispositam, ita operationes Naturæ, juxta certas leges coordinatas accuratissimeque conspirantes, & denique ipsum effectum sapientissime procuratum. Quis ergo sibi persvaderet, vel casu fortuito istud contingere, quod a deo sapienter fieri deprehendit? vel ab entibus finitis id produci, quod ne quidem rite cognoscere, nedum actu dirigere valent? Hinc etiam oraculum divinum: *Tonitru potentiарum ejus, quis intelliger?* & rursus: *Ergo ne brachium, sicut DEI tibi (ε?)? & voce, sicut ille, tonabū? (ζ?)*. Et hoc quidem ipsi mortales satis experti sunt. Quoties enim, Naturam imitantes, effectum hujusmodi artis ope producere conati sunt, toties etiam differentiam haud exiguum inter operationes ejus & suas, luculentissime deprehenderunt. Quid ergo, nisi sapientiam & potentiam infinitam, hic agnoscere debent? Imo quum nec ullum sit dubium, Auctorem Naturæ, hoc aliquaque operibus suis, ideo Majestatem suam nobis manifestare voluisse, ut ipsum cognitum vere quoque colamus; ergo non solum tum, cum hocce phænomenon, actu comperimus, verum & interea ipsius regimini nos totos submittamus, & voluntati ejus in omnibus ita obtemperare studeamus, ut

Nomini ipsius semper accedat Laus, Honor & Gloria!

(α) Conf. Int. alios Verdrief, Phys. loc. sup. cit. Krüger, Phys. loc. cit. §. 564. Kraftii Præl. I. c. §. 263. (β) Vid. Muschenb. Elem. I. c. §. 1345. Kraft. Præl. I. c. § 268. (γ) Vid. Acta Reg. Acad. Scient. Holmens. pro A:o 1759. P. III. (δ) Haec in Act. modo cit. plenius exposita legi possunt. (ε) Conf. sup. laud. Nob. Dñi Klingstierna Tal. (ζ) Job. XXVI: 14. & Cap. XL: 4.